

## EBC COMPLEX COMMITTEE

EBC Kumsim khawmpi 2016 in Delhi a EBC complex mun neih ding pha honsakpih a, huai semsua ding a Delhi a saptuam nihte mohpuakna honpiak dungzui un EBC complex committee kibawl in mun etna bang a na kinei zel hi. Mun etna leh gam man tangpite leng EBC Hqtrs. laithon tungtawn in kitheisakta hi.

Gam lian huntawk , dangka crores a sim man bang poimoh ding I hihman un, ei a khotualten nikum a nikhat tha I tawi khawm bang un, tukum leng tawi khawm nawn ni chi a chialna hong ki bawl dungzui a I piakkhawm nawn siausiau ziaik un kipahhuai mahmah hi. A pekha nailou ten panthak la a, tu October 2017 kha sung a piak chiat sawm ding in leng i kichial in I kitheisak hi.

Committee joint account tungtawn a online a sum napezou te aleng kichiamteh ta hi. Sum sai lamte ading a lemtang zaw ding ngimna in tuban committee joint account ah thun nawnlou phot in, I biakinn tuak uah cash Or online payment a pe ding in I kingen hi.

EBCC Delhi lam ah saptuam Bank Account kizang lel hiai bang ahi : User Name EBCCD, Bank A/C number 11084241142, IFSC No.SBIN000061.

Committee sik leh tang in,

T/Upa Vumlunmang

Vice Chairman / EBC Complex Committee

## NIPINI NAWN BIAKNA HUNZEK

November 12, 2017

9:30 AM : COUNSELLING HUN

11:00 AM : ZINGLAM BIAKNA

Biakna & Phatkhawmna : WT makaih in.  
Thilpiak Latna : Upa Chinsum  
Thugenna/Exam Saina : Pastor  
\* Exam ding ihih man in pen tawi ding manghilh kei ni.

02: 00 PM SUNNUNG BIAKNA HUNZEK

Biakna leh Phatna : WT makaih in  
Thilpiak Latna : Upa G Damsomthang  
Sunday Skul Examna : Pastorte makaih in  
\* Exam ding ihih man in Pen tawi ding mang hilh kei ni.

## CHIALNA

Zomi Chiristian Fellowship Delhi in Joint Advent Christmas-cum-Singsong service hong tung ding Dec, 02, 2017 in Mt. Carmel school Auditorium, Anand Niketan, "Jesus: Name above all names" chih thupi a nei in zang khawm leng chi in hon chial uhi. Kuapeuhmah lunglutna nei te va hoh a pathian vualzawlina phatna laa leh thu kigente tungtawn a va tel a va hamphat pih chiat sawm ni.

NIPINI PAITA (15/10/2017) A THILPIAK LAKKHAWM

Sawm-a-khat - ₹27,587 /-;  
Nipi Thilpiak - ₹ 9,585;-

November 2017 USHER

11:00 AM Biakna :

Bersarai & Sarojini Prayer cell- 2

2:00 PM Biakna :

BYF Dwarka Area Fellowship

Biakna Kikhop - NIPINI TENG  
ZING DAK 11:00 AM  
SUNNUNG DAK 2:00 PM



Thupi

Lungsim leh Ngaihtuahna  
thuneipen Khrist hisak dia  
Khrist Diktatna a kilamthakna

FOR PRIVATE CIRCULATION ONLY | November 05, 2017

## TUNI BIAKNA HUNZEK

9:30 AM : Annngawl Thumna;  
Pitu: Upa T. Thiankhanmuan

11: 00 AM - BIAKNA KIKHOP

(City View church, Vancouver te toh Biakkhawmna)

Biakna & Phatkhawmna : Pastor Lalpi Guite & WT  
Thilpiak Latna : Upa H. Kam Suanthang  
Testimony Sharing : Nazim Murji  
Thugenna : Pastor Trevor Josh  
Pastor' Thumsakna : Pastor N. Tuang Lang

BCD DEVOTION-05.11.2017 (11:00 AM)

Pitu : Htn Deborah  
LST Sim a Thumna : Mary Luaithianching, Inter.  
Phatkhawmna : Lapite makaih in  
Spl Item : S. Thangmuanlian Ngiahte , Pri. B Lunmang, Primary A Manthianching, Beginner A  
Enlou a Bible chang genna : Haununsiam, Jr B. Liangoumung, Jr B. Nianglianvung, Jr B.

Thupuanna : A om bang bang  
Khathak thumsakna : Pastor H. Biakson  
Thohlawm latna leh Toupa thumna : Htn. Biakching  
Pawl Kikhenna omding

Tea Fellowship - Singpi dawn a kithuahkhawmna

2: 00 PM - BIAKNA KIKHOP

(City View church, Vancouver te toh Biakkhawmna)

Biakna leh Phatna : Pastor Lalpi Guite & WT  
Thilpiak Latna : Upa Khamkhanpau  
Testimony Sharing : Nazim Murji  
Thugenna : Pastor Trevor Josh  
Pastor Thumsakna : Pastor  
Hunkhakna & Vualzawlina : Upa L. Ngulminthang

Tea Fellowship - Singpi dawn a kithuahkhawmna

## Laisiangthou Bulphuh

Himahleh, Kei bel diktaka gamtang ding inga, Hon tan inla, ka tungah zahngai in Psalm 26: 11

## PRAYER POINTS

> Kha thak (November) Nipini masa Biakna hun hon musak a, hiai ni a Amah bia leh phat thei dia hunpha hon bawlsak Toupa kiang kipaththu gen ni.

> Tukum (2017) kha/hun beidek kuan a omta ihih man in 'lungsim leh ngaihtuahna Siangthou nei gige dia Khrist Diktatna a Kilamthak ihi na hiam'? chih ki en-kawm in Pathian panpihna ngen in thumni. Hiai bang a hun manpha ei a ding a hong om om nawn lou maithei hi.

> Damlou a ki kem lel te thumna in delh zuizel ni. Toupan amaute damsianagna leh hatna a piak ding ngetsak ni.

> Nipini nawn Biakna hunseh kigelte Toupa ompihna toh manphatak a I zat theihna din Toupa lak ah tun ni.

## WELCOME ALL

Tuni EBCC Delhi a biakkhawmna hun hong uap Toupa misiangthoute I Toupa Jesu Khrist min in itna chibai buk in kon vaidawn uh.

Nou toh Pathian bekhawm-phatkhawm a om nuam kasa ua, lemtang omchia nong kikhop zel uh ka lamen uhi.

## SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi

Main Branch, Parliament Street,

New Delhi - 110001,

IFS Code SBIN0000691

Email: finance@ebccdelhi.org leh

Mob. No. 9818687331 ah piakna details

theisak zel le kichian mahmah ding.

## KHRIST A DIKTATNA A KILAMTHAKNA

GUEST EDITORIAL

Rev. Paukhanmang Guite  
Director of Ministries

“Bangchi”n hiai khelhna liantak hih in Pathian tung ah thil ka hihkhial thei dia?” a chi hi (Gen. 39:9b). Tu Kha i thupi “Khrist hihnhate hinkhiak pih dia kilamthakna” ahi. Piangthak tengteng Kha Siangthou in hong sungluahta hi (1 Kor.6:19b). I pianthak ma a mihing hatna kia a - sepkhia vuallouhte, kidek vuallouhte leh ngaihtuah khaklouhte - hong sungluahtu Kha Siangthou thahatna leh thilhih theihna koppihtha in, semkhe theita, kidek zouta, phawkkhe theita leh i hinkhuate a hinkhiak pih thei dinmun ah i dingta hi, Hallelujah

Kha Siangthou huhna toh Khrist a om diktatna, lungnopna, lemna, thuak theihna, sianthouna, muanhuaina, nunnemna, kidek theihna leh itna hinkhiak pih theita i hih lai a, piangthak tampite’n i theihkhel om khanak “Ei panlak kullou a, Kha Siangthou in hong hihsak/zohsak vek ding a ngaihtuahna neih” ahi. Piangthakte’n i dihmun kitheichian a, tuabang a panlak ding ahindan Laisiangthou ah hichiin hon sinsak hi:

Khatna: I mihing lui (kelhna hinkhua) Khrist toh kilhden in om ta chih kithe gige a, hiai kitheihna ziak a mihing lui a gamtang thei nawnlou Zeng bang (Paralytic) a omsak ding a koih dia panlak ding (Rm.6:6); i mihing lui, pumpi sithe pen a, khelhna vaihawm sak nawnlou dia panlak ding; i pumpi hiangte leng khelhna vanzat dia pephal nawnlou dia panlak ding (Rm.6:13), i mohpuak hita.

Nihna: I pumpi hiangte diktatna sikha leh vanzat dia Pathian kiang a kipe dia panlak ding (Rm.6:19); Thukhun Lui hun a Pathian pomtak leh lungtuahna dia ganta sisan a kithoihna lat bang hilou a, i pumpi a hinglai a Pathian lungtuak leh pomtak ding a kilan khe dia panlak ding (Rm. 12:1); Pianken thak, diktatna leh sianthouna a Pathian batpih a siam pen muhtheih puansilh bang a muhtheih hinkhiakpih a silh ding (Eph.4:24), i mohpuak hita hi.

Joseph in, tuaidawng sa-utna hattak a neih hun himahleh, Pathian ta a hihna leh Numei-Pasal kipolhna thanguai Pathian deihlouh thilhih, khelhna ahihman in, taikhiaksan di’n panla teitei hi. Amah hihna kitheichian mahmah ahihman in “Bangchi”n

hiai khelhna liantak hih in Pathian tung ah thil ka hihkhial thei dia?” chi thei hi. Joseph bang in Piangthak michih in i hihna leh dinmun kitheichian gige lehang, Khrist hihnhate hinkhiak pih gige ding hi hang. Hiai bang hinkhua suahkhe ding in Pathian in hon lamem hi.

## BYF DELHI OUTING

ANI/AHUN : Nov 11, 2017 (11am - 4pm)  
AMUN-DDA Vasant Kunj Sports (Football) Ground EBCC Delhi, BYF saina in November 11, 2017 in outdoor fellowship, taksa soizo kawm a kithuahkhawmna zaangkhai theipen sai kisawm. Hiai a ding in Area Fellowship te Group 4 in kikhen hi:

1. Esther Group: Munirka(Colour: Red)
2. Ruthi Group: SaMoNa & South Ex-Jamia(Colour: White)
3. Mary Group: JNU-Vasant, Kishangarh & Bersarai(Colour: Yellow)
4. Rakil Group: Dwarka, RK Puram & Pusp Vihar(Colour: Blue)

Group 2-4 a Area Coordinators teng in nou sung a Group Leader ding, Tuailai Outing a di, hong kisehkhe ding in i kingen ahi.

KIPOLHIMNA ITEMS TE

:Dragon Race, Three-legged race, Balloon race, Sprint (Relay), LONDON Musical Chair,Tui dip, Spoon race, Ball bucket, Milawngpi (Line Cross) ,Balloon fight, Kipuak Race, Tug of War, Sack Race, Arm wrestling, Football numei Throwball,Skipping race (relay), ,Penalty pek kidem& adg. dg.

## KIPATHU GENNA

1. Toupa'n i thumnate uh a hon dawng a, 28/10/2017 ni in, bangmah buaina omlou in BCD Sports kizangthei hi. Pathian kiangah kipahtu a kigen banah, mimal chih tung ah kipah thu ka hon gen uhi.

2. Pa Biaklun leh a innkuante apat itna thilpakte ziaka ahoh peuhmah lawman toh inn tungkiik lou kuamah a ki omlouh man in ka kipak petmah uhi.

3. BCD Sports Group nih tegel a di Banner kilawmtak hon design leh print sak, Tg. Richard Khuptiong tungah kipahtu ka gen uh hi.

4. Sinsaktute' ann diing hon sponsor Pa Ginthanlian Valte leh Nu Grace Donnemching te nupa tungah kipahtu ka gen uh hi.

5. Nu-le-pate' thumna leh tha-le-zung ziaka naupangte Sports Complex tungthei leh atawptan gil kial manlou a omthei kahih man un kipak luan ung.

6. Tuailai nungak-le-tangval Sports hong siim kia hilou a, a kul apoimoh banga sinsaktute hong kithuahpihte' tungah kipahna lian mahmah hi.

7. Pastor H Biakson, BCD Advisor, Pastor N. Tuanglang, Local Pastor, Upa H. Kamsuanthang, Sports honna hon neihsak, khakna hon neih sak, leh prize tuamtuam hon hawm khiaksakte tungah kipahtu kon gen uhi.

## BETHLEHEM BIAL DORKA'S FELLOWSHIP CUM- BWA-THUMKHAWMNA

Ani : November 11, 2017

Amun : Nu Chingi Inn, Block C, 362, Kargil Apartment. Dwarka.

A hun : 02: 00 PM

Hunkemtu : Nu Muankim

Pantu : Nu Vungthianmawi

Thohlawm : NU Chinghoihnem

Lantu : Nu Mankhodim

BWA THUMKHAWMNA PITU DINGTE'

1. NU Manlian 2. Nemkhanmawi

3. NU Vungbiaklun 4. NU Niangngaihkim

.Laazilna & Tawpna : Lunch inntekte' thusiamna toh om ding.

## BCD CORNER

Cultural Day leh Graduation Day dia Kisakholhna Paillel

Pathian in hunpha a hon piak leh November 25 leh November 26, 2017 chiang in Cultural Day leh BCD Graduation Day zat in om ding hi. Huai ding in BCD lamah kisakholhna paillel hi. Hiai hunah Heutupa B Chinkhengoupau, Child Coordinator, thugentu in pang ding hi. Kitaitehna tuamtuam, phatna lasakna, lemchinna- sai in om ding hi. Thumna ah phawk ni.

Graduate-te leh Pastor a dia hunseh kisuan BCD Cultural Day ni Nitaklam a Graduate dite toh Hun zatkhom ding kisawm pen, Graduate dite Lak ah CI-XII exam pepah ding a Om man un a Hun DT.12/11/17 Nitaklam adia Suan nai ahi. Hun zat didan Hon kizasak thak ding.

Cultural Day leh Graduation Day dia Kisakholhna Paillel Pathian in hunpha a :hon piak leh November 25 leh November 26, 2017 chiang in Cultural Day leh BCD Graduation Day zat in om ding hi. Huai ding in BCD lamah kisakholhna paillel hi. Hiai hunah Heutupa B Chinkhengoupau, Child Coordinator, thugentu in pang ding hi. Kitaitehna tuamtuam, phatna lasakna, lemchinna- sai in om ding hi. Thumna ah phawk ni

## VEHICLE MINISTRY

Saptuam mipite i vek ua i pankhawmnate uh tungtawn in tuni tan in Vehicle Ministry a dingin Rs. 1,60,400/- kithohkhawm ta hi. Poimoh kin sak ziaka a gari Car Loan a i lak, i nnasepna uh zou a kingaihtuah lou in, Pathian gam nnasepna ah pan la lai in, project khawl thei mawk lou ahihna ah mimal mal a tawm a tam gen omlou in a pe sa hi in pe nailou, kuapeuh in pan la thak in hiai ministry a dingin thohkhawm siausiau lai leng chih i ki ngetna leh chialna uh ahi, ministry poimoh tak ahih manghilh lou in.